

بس للامانة،

سقط بين ١٩١٥ - ١٩١٧ فوق ال ١٥٠،٠٠٠ مسيحي وراح بضهرن حوالي ٣٠،٠٠٠ موحد (درزي) بمجاعة كانت قاصدا حرية جبل لبنان وبالتحديد الشق المسيحي (معليش يا اخوتي عمبكي بكل محبة، واقول هذا لان حرية جبل لبنان سياسي درزية اجت عبر الامتيازات المسيحية ووجدان الحر قبل فترة الامارة، وهذا ما تدعّمه احداث ١٨٦٠ وقبول العثمانيين بالمتصرفية مرغمين). (اذكر استشهاده ٤٠٠ شيعي وبعض السنة في جبل لبنان بس العثماني ما كان قاصدن؛ كانوا مثل الدروز ضحية سكنن بمناطق بمختلطة...).

وبنفس الفترا قام جمال باشا بشنق المعارضين.

اغلبن كان عروبي، حتى قلة المسيحيين منهم.

اذا بتراجعو اللوايح،

ب ٦ ايار تم شنق ٣ مسيحيين (واحد ممن يوناني) من أصل ١٤ شخص.

ب ٢٢ اب ١٩١٥ اي قبل ٨ أشهر، تم شنق ١٠ مسلمين، دون اي مسيحي.

المسلمون يلي صاروا (بالقوة) جزء من لبنان صار اسمن شهداء لبنانيين.

ويلي صاروا بسوريا صار اسمن سوريين.

وكذلك المسيحيين، وأضيف إليهم مسيحيين آخرين هم الاخوين تقلا وكاهن والاخوين زريق من طرابلس، الذين اعدموا خلال ١٩١٦.

انما ٩٠٪ ممن تم شنقهم ما كانوا هني عمبنادو بنفس الشي يلي كان عمبنادي فيه عموم المسيحيين، انو بدن لبنان مشان ما يدوبوا بالمحيط، غنما كانوا عمبنادوا بالعروية.

لكن فضل مؤسسو لبنان المسيحيين فبركة امور تظهر للعالم انصهار "لبناني" "مسيحي - مسلم" خرج يكون السردية للدولة الحديثة المنشأ.

وهيك تم طمس ١٥٠،٠٠٠ شهيد مسيحي (وللاسف بضهرن ٣٠،٠٠٠ موحد درزي) لا طلعن عيد وذكرى ولا شي،

لان هيدا شي ما كان ح يخدم السردية المرجوة.

ما بقا لازم نفكر بلبنان كهوية وحدة.

ممکن كبلد واحد ايه، فدرالي، يرعى عدة هويات.

واعذروني اذا استفضت بس تقول انو شهدا جمال باشا ما كان عنذن قضية وحدة. كانوا قضيتين. معظمن كان بدو فيصل. ومش عيب ولا ملامة!

بس جمعتن معارضة جمال.

لن نخرج من أزمتنا طالما نستمر بالتكاذب...